13-D17-Sy أنت بس ارجع!

عماد: ألو! مرحبا غسان. كيفك؟ شو أخبارك؟

غسان: أهلين عمادو! كيفك أنت؟ نحنا كتير مناح الحمد لله. وإنت كيف أحوالك؟ شو أخبار شغلك؟

عماد: أنا كتير منيح. الحمد لله. بس أخبار شغلى مو منيحة.

غسان: ليش؟ خير إن شاء الله.

عماد: والله الشركة اللي بشتغل فيها قررت تفصل عشرة بالمائة من الموظفين. وأنا واحد من اللي رح تفصلهن الشركة.

غسان: له له له! شو هالخبر هاد؟ طيب وشو السبب؟

عماد: يعني مثلما بتعرف، الحالة الاقتصادية بأميركا تعبانة كتير. وفي شركات كتيرة عم تفصل موظفيها.

غسان: طيب وشو رح تعمل هلاً؟ ما ممكن تلاقى وظيفة بشركة تانية؟

عماد: يعني. بظن ممكن لاقي وظيفة. بس أنا عم فكر أرجع على سوريا.

غسان: شو هالحكي هاد؟ في حدا بيكون عندو وظيفة بأميركا وبيفكر يرجع على سوريا؟

عماد: بيني وبينك، تعبت من الغربة. وبعدين ما بدي روح من وظيفة لوظيفة، ومن ولاية لولاية. بدي استقِرّ وأعمل شغل خاص. والوطيفة

هون ما إلها مستقبل.

غسان: واللهِ معك حق. وأنا كمان عملت شغل خاص صغير عالإنترنيت. والحمد لله كلو تمام.

عماد: والله هاي أخبار حلوة كتير. طيب وظيفتك القديمة، خلصت منها؟

غسان: لا، شو خلصت مها؟ أنا بعدني عم بشتغل بنفس وظيفتي القديمة. بس هاد شغل إضافي.

عماد: برافو عليك. طيب، يعني برأيك، في فرص مناسبة للشغل بالشام؟

غسان: أنا بظنّ إنو إذا الواحد معو مصاري ففي فرص كتير مناسبة. وأنا بشجّعك على إنو ترجع وتستقرّ هون. وأنا معك إذا بدك أية مساعدة.

عماد: يسلِّم إيديك. إنتَ ما في متلك.

غسان: عمادو، إنت بس إرجع وكل شي هون حيكون تمام بإذن الله.

عماد: طيب. برجع بحكى معك.

غسان: طيب. ماشي.

عماد: باي.

غسان: باي.